



Broj: 13-11-4-8162/25
Sarajevo, 08.10.2025. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

ODLUKU **o izboru najpovoljnijeg ponuđača**

I

Za najpovoljnijeg ponuđača za javnu nabavku usluga „Izrada adresnog registra Općine Novo Sarajevo“, po provedenom postupku javne nabavke putem otvorenog postupka javne nabavke izabran je slijedeći ponuđač:

BN PRO d.o.o. Sarajevo **sa ukupnom cijenom od 198.477,63 KM**

(stotinudevedesetosamhiljadačetiristotinesedamdesetsedam i 63/100 konvertibilnih maraka) sa PDV-om.

II

Za izvršenje ove Odluke zadužuje se Služba za imovinsko-pravne i geodetske poslove i katastar nekretnina.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-8162/25 od 27.08.2025. godine

Procijenjena vrijednost javne nabavke sa PDV-om je: 200.000,00 KM (slovima: dvijestotinehiljada i 00/100 konvertibilnih maraka).

Obavještenje o javnoj nabavci broj: 935-1-2-146-3-227/25 objavljeno je na Portalu javnih nabavki dana 09.09.2025. godine.

Komisija za javnu nabavku roba, radova i usluga imenovana je Rješenjem Općinske načelnice broj: 01-30-5-5935/25 od 09.07.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 30.09.2025. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	GAUSS d.o.o. Tuzla	199.602,00 KM
2.	BN PRO d.o.o. Sarajevo	200.000,00 KM
3.	ANGERMEIER d.o.o. Sarajevo	200.000,00 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala sljedeće:

Ponude ponuđača BN PRO d.o.o. Sarajevo i ANGERMEIER d.o.o. Sarajevo su **prihvatljive** jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača GAUSS d.o.o. Tuzla Komisija je ocijenila kao **neprihvatljivu** iz sljedećih razloga:

Tenderskom dokumentacijom u tački 7.4.1. a) zahtijevano je: „*uspješno iskustvo u realizaciji najmanje 1 (jednog) ugovora, a koji se odnosi na uslugu izrade projekta uspostave adresnog registra ili druge usluge slične predmetu ove javne nabavke, u posljednje 3 (tri) godine računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine*

U svrhu dokazivanja ispunjenosti uslova iz tačke a) ponuđači su bili dužni dostaviti sljedeće:

„**DOKAZ ZA a1)**: Spisak uspješno realizovanih ugovora, a koji se odnosi na uslugu izrade projekta uspostave adresnog registra ili druge usluge slične predmetu ove javne nabavke (**Dokument 3**).

DOKAZ ZA a2): 1 (jedna) potvrda o uspješnoj realizaciji ugovora, a koji se odnosi na uslugu izrade projekta uspostave adresnog registra ili druge usluge slične predmetu ove javne nabavke. (**Dokument 4**).“

Ponuđač je u sklopu svoje ponude dostavio Potvrdu o uspješnoj realizaciji ugovora (**Dokument 4**) koji se odnosi na „Usluge digitalizacije planova katastra komunalnih uređaja (izrada baze podataka katastra komunalnih uređaja“, izdatu od strane Grada Zenice, dana 18.09.2025. godine.

Iz navedene potvrde vidljivo je da je ponuđač izvršio usluge koje se ne odnose na usluge izrade projekta uspostave adresnog registra ili druge usluge slične predmetu ove javne nabavke.

Iz naprijed navedenih razloga, ponuda ponuđača GAUSS d.o.o. Tuzla se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponuđena cijena sa PDV-om
1.	BN PRO d.o.o. Sarajevo	200.000,00 KM
1.	ANGERMEIER d.o.o. Sarajevo	200.000,00 KM

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

Ponude ponuđača BN PRO d.o.o. Sarajevo i ANGERMEIER d.o.o. Sarajevo su unesene u sistem e-nabavki i zakazana je e-aukcija, koja je održana dana 06.10.2025. godine s početkom u 09:00 sati, i koja je trajala 16 (šesnaest) minuta.

Ugovorni organ je od Agencije za javne nabavke zaprimio Izvještaj o toku i završetku e-aukcije i shodno kojoj je ponuđač BN PRO d.o.o. Sarajevo ponudio najnižu cijenu koja iznosi 169.639,00 KM (slovima: stotinušezdesetdevethiljadašeststotinatridesetdevet i 00/100 konvertibilnih maraka) bez PDV-a.

Rangiranje prihvatljivih ponuda prema kriteriju za izbor ponude, nakon provedene e-aukcije je kako slijedi:

R. Br.	Naziv i sjedište ponuđača	Ukupna ponuđena cijena bez PDV-a	Ukupna ponuđena cijena sa PDV-om	Procentualno umanjeno cijene nakon provedene e-aukcije*
1.	BN PRO d.o.o. Sarajevo	169.639,00 KM	198.477,63 KM	0,76 %
2.	ANGERMEIER d.o.o. Sarajevo	169.640,17 KM	198.640,17 KM	0,76 %

* Označava približnu vrijednost procentalnog umanjenja nakon zaokruživanja na dvije decimale.

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača, te da se ponuđaču BN PRO d.o.o. Sarajevo dodijeli Ugovor, čija ponuda je ocijenjena kao najpovoljnija, na osnovu kriterija najniža cijena, a po provedenoj e-aukciji, u ukupnom iznosu ponude od 198.477,63 KM (stotinušezdesetosamhiljadačetiristotinesedamdesetsedam i 63/100 konvertibilnih maraka) sa PDV-om.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).



OPĆINSKA NAČELNICA

Prof. dr. Benjamina Karić

DOSTAVLJENO:

- GAUSS d.o.o. Tuzla
- BN PRO d.o.o. Sarajevo
- ANGERMEIER d.o.o. Sarajevo

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.